

# ARUBA ANSE COURANT

**OPTIEK**  
Oranjestad  
San Nicolas

**Spritzer**  
**Fuhrmann**

**ORANGE**  
**Crush**

Diario



pa Aruba

**DRINK**  
**Coca-Cola**

KONINKRIJK DER NEDERLANDEN  
VAN GELDENBEEK 14  
GRAVENHAGE

**Schlitz**  
The Beer That  
Made Milwaukee Famous

Nr. 3857

DIABIERNE 7 DI OKTOBER 1960

ANJA 22

## Apelacion di Rusia na Australia contesta pa Menzies

**NEW YORK, 6 oct.** — Ministro-presidente Menzies di Australia a contesta e apelacion di Rusia na Australia, pa duna Nueva-Guinea Australiano y Papua, e dos territorionan na parti este dje isla Nueva-Guinea, nan independencia completo inmediatamente. Menzies a bisa cu e palabranan di Krutshof a bon papia, pero nan ta muestra cu e no sabi masha hopi tocante e territorionan menciona y tocante e nivel actual dje desarrollonan aja.

Menzies a bisa cu e no tin mester di lesnan tocante independencia for di un homber cu no a duna colonianan libertad ni autonomia nunca. El a bisa tocante e acusacion ruso di colonialismo occidental, cu un lider comunista ta un hipocrita ora cu ta bisa cu colonialismo ta algo malu cu ta marante pa e potencionan occidental, ora cu Rusia mes ta un berdad, y e potencia colonial mas grandi cu ta existi".

Dr. Subandrio, ministro di asunto exterior di Indonesia, a contesta e declaracion di ministro Luns di Hulanda den Asamblea General di Naciones Uni.

El a bisa cu e puntanan cu mr. Luns a menciona ta tantu serio, cu e a sinti su mes obliga di duna algun aplicacion. Indonesia no ta bandona e punto di bista cu presidente Sukarno a splica.

E conflicto entre Hulanda y Indonesia ta resultado dje hecho, cu Hulanda ta nega di reconoce, cu e entrega di soberania ta di vigor pa enter e territorio. Dia cu Indonesia a bira independiente, a worde dicidi cu e independencia lo ta di vigor pa enter India Hulandes.

Indonesia no ta haci pretension riba e luga ey. Nos ta declara simplemente cu pueblo indones tin derecho riba independencia y riba soberania di enter su territorio. E indonesnan no ta existi un territorio cu no ta di nan".

Dia cu Hulanda a reconoce soberania di Indonesia, na 1959, e no a bandona enter e territorio indones mes

ora, "el a larga e semija di desunio e intrankilidad atras".

"Si Naciones Uni kier aplica e derecho di separacion local ta mesos cu loke Hulanda ta propone awor bisando cu ta autodeterminacion, lo e mester aplikke pa tur pais, esnan bieu y esnan nobo".

E ministro indones a bisa cu Hulanda a comete un acto di agresion contra Indonesia, den un acto di desobediencia habierto na Consejo di Seguridad".

E ta di opinion cu existencia di colonialismo na West-Irian ta contene un peliger pa paz. "No ta importante, si esaki ta ocasiona pensamentunan di violencia, si of no. E ta un conflicto den corazonnan y den mentenan. Afortunadamente nos tin basta forza pa proteha nos mes riba tur tereno. Pa e motibu ey nos lo contesta fortificacionnan hulandes cu nos propio fortificacionnan".

**Schurmann a contesta Subandrio**

Mr. C.W.A. Schurmann, e representante permanente di Hulanda, cerca Naciones Uni, a contesta e palabranan di ministro Subandrio bisando: "Ei esaki no ta e momento pa cuminsa un discusion tocante Nueva Guinea Occidental, pasobra esey a socede 4 biaha caba den Naciones Uni.

El a combati e declaracion di Subandrio tocante un acuerdo segun cual Indonesia a bira independiente y Hulanda a entrega enter e territorio cu tabata Nederlands Oost-Indie.

Mr. Schurmann a bisa cu e pacto pa

regla e entrega di soberania ta bisa, cu dentro di un anja un decision tocante futuro y destino di Guinea Hulandes lo worde tuma.

E delegado a bisa: "Indonesia ta basa su declaracion riba e sistema, cu e habitantenan di Nueva Guinea Hulandes ta Jesca anexacion cerca Indonesia, pero si esey ta berdad, e habitantenan lo anuncia e hecho ey eventualmente".

Mr. Schurmann a bisa cu Asamblea General a acepta e arreglo nobo pa reinado algu; anja pasa, a base di cual Surinam y Antillas Hulandes a hanja autonomia completo y e mes status cu e reinado na Europa.

E presidente indones a priminti cu lo e contesta violencia cu violencia. Pero Hulanda no tin intencion di usa violencia. Tin solamente algun mil solda na Nueva Guinea, cu ta mas grandi cu Francia. Hulanda no tin intencion di usa e soldanan ey pa lucha.

**Explosionnan misterioso na New York**

Tabatin explosionnan misterioso na New York ajera, local a pone cu tabatin un serie di desgracianan mas o menos serio.

Tapanan grandi di coolkan a worde tira te na quinto piso dje edificio, causando danjo na e murayanan. Na varios lugar electricidad a kita. Esey a pone cu e treinnan subteraneo a para ketu y liftnan jen di hende a keda pega entre e pisonan den e rascacielonan. Tubonan di gas a buli y brandweer mester a paga varios candela.

Terriconan dje compania cu ta duna New York gas y electricidad, no tabata por duna ningun declaracion pa e aparicionnan.

Prome ministro Nehru di India a invita Krutshof pa atende un comento cune awe nochi. Awe mainta Krutshof tabatin un encuentro cu e embahadornan ruso na Washington, London y Paris.



Prinses Maria Gabriella di Savoia, jiu di ex-rey di Italia fotografia durante su estadia riba e isla Maddalena entre Corsica y Sardinia. Prinses Maria a bishita e isla den compania di prins Don Juan Carlos di Spania. Nan di, cu e pareha aki pronto lo anuncia nan compromiso.

### COMO UN TON PA TRABOUNAN RIBA TERRENO DI HAAF

**ORANJESTAD** — Pa bai di un ton lo worde gasta na trabounan riba terreno di haaf na Oranjestad otro anja, asina ta para den kapitaalidien di e begroting 1961 di territorio insular.

Un parti di e terreno di haaf lo worde asfalta. E trabou aki, cu lo costa fls. 30.000,— a bira necesario, awor cu e bunkerstation ta bini cla, y cu mas bapornan lo mara pabou di e di dos waf.

Tambe e iluminacion ta bira mihor, Cierito lugarnan cu actualmente ta secur anochi lo hanja luz, mientras cu e bombillonan di nutrium lo worde cambia pa bombillonan di kwik. Por ultimo e profundidad di e murayanan di waf tambe lo worde treci na e nivel cu ta endica riba e mapa. E trabou aki lo costa fls. 26.000,—. Nan a dicidi na haci e trabou aki despues cu schopeligen a resulta cu e profundidad no ta parew tur camina di acuerdo cu e mapa.

**REDACTRIZ DI CANADESE JEWISH NEWS NA ARUBA**

**ORANJESTAD** — Na Aruba ta keda cu e momento aki sra. O. Rijkman, redactriz di e Associated Canadian Jewish News, un periodico pa e comunidad Judio na Canada. E sra. aki ta bin for di Toronto y ta bisha huntu cu su esposo.

E intencion di su bisha ta pa acumula materia pa un serie di articulo riba e acera di Caribe. Te cu diadomingo, dia cu e lo sigi pa Corsow, e lo pene su mes detalladamente na altura di e diferente aspectonan di e comunidad arubana. E ta keda (como huesped) den Aruba Caribbean Hotel.

### LAGERE SCHOOL NOBO PA STA. CRUZ

**ORANJESTAD** — Pega cu Santa Cruz nan lo traha un R.K. lagere school otro anja. Pa e school aki nan tin fls. 100.000,— riba begroting 1961.

A resulta cu tantu e St. Jozefschool como e St. Mariaschool na Santa Cruz falta lugan. E promedio di klasnan a

### Colision di dos helicopter na Aix-les-Bains

**AIX-LES-BAINS, 6 october.** — Awe tardi 2 helicopter di exercito frances a dal cantu di otro den luga, cerca Aix-les-Bains. Tur e 6 hendenan den e helicopternan a hiri.

umenta te na 46 mucha pa klas, mientras cu pa e prome dos anjanan escolar esaki ta mas di 50 mucha pa klas.

Ta mihor pa traha un school nobo acerca den vecindario di Santa Cruz afin pa decentralisa e schoollan tur poco.

E school nobo lo consisti di 4 lokal, un cuarto pa hoofd-onderwijzer, un lugar pa warda bukinan, toiletan, mientras cu tin placa tambe destina pa e cura di school.

E R.K. M.U.L.O. school na Santa Cruz ta hanja euter klas acerca, ademá un patio cu dak y algun toilet mas. Tur esaki lo costa fls. 156.200,—.

### CONSTRUCCION DI COLEGIO ARUBANO DEN TRES TERMINO

**ORANJESTAD** — Colegio Arubano, actualmente den baraknan y na diferente lugarnan na Playa, den futuro lo hanja su propio edificio.

Riba begroting 1961 ta ipar pa e prome termino un suma di fls. 260.000,— y un suma di fls. 10.000 pa organizacion die school.

Durante 1962 nan tin e mesun un suma calcula y pa anja 1963 un suma poco mas chikito, formando e suma di fls. 775.000,— loke e edificio di Colegio Arubano lo bin costa na tur. Eilandsraad a yega di expresa e desco pa tene e construccion dje school aki den dos termino, pero B.C. ta opina cu e posicon financiero actual ta mihor pa haci e den tres termino.

### Mucha contra auto

**ORANJESTAD** — Pa di tanto biaha a bolbe socede cu muchanan ta corre cruza caha sin paga tino y ta hanja nan mes den choke cu auto. Na e skina Klipstraat, Oranjestraat avera tardi pa 12'or y 25 e mucha M.G. a corre cruza caha a dal contra auto A-981 mancha pa G.E.K. Cu algun corta na su cabes nan a hiba G. hospitala. Rato despues e por a bolbe cas.

### FATUM — Tel.: 1845 Pa tur bo aseguronan

**A perde**

Padez Johannes Goes di pastorie na Santa Cruz a duna cuenta di a perde un cartera color pretoc, conteniendo fls. 15, un pasfoto y un kaarchi di miembro di Filmiga. Ta muy probable cu e cartera aki a worde perd den Wilhelmina Stadion. Jacobo Orman di Magostraat 3 a perde mitar tabla di biljechi No. 22361.

SOFTBALL MENS LEAGUE SOFTBALL

**ARUBA SOFTBALL BOND**

ta presenta den

**WILHELMINA STADION**

Awenochi, 7 di oktober pa 7.30 or p.m.

**COMP. CLIPPERS vs. DAKOTA STARS**

Awenochi, 7 di oktober pa 9.00 or p.m.

**EAGLE BOYS vs. PASTORA**

Entrada: f0.50 hende grandi - f0.25 mucha

## FLS. 5440,- TE AWOR PA ST. MAARTEN

**ORANJESTAD** — No a bini mucho cambio den e suma cu e Hurricane Relief Committee ta montando pa e victimanan di e orcan Donna na St. Maarten. Entretanto tin un cantidad di 50 (di e 75 nan) lista ta circulando ainda. E hulpcomite kier pone a atencion di tur e personanan aki cu tin lista den nan poder cu e ultimo dia di circulacion ta awe, dia 7 di october. E listanan aki mester worde entrega awe nochi na N.W.I.W.A. club for di 6'or te 11'or.

**Com e placa a drenta**

Aki ta sigi un resumen chikito com e hulpcomite a bini na e suma di fls. 5.440,—. E 25 lista na di circulacion cu a worde deholbe caba ta muestra un suma total di fls. 3500,—.

For di organizacionnan a bin un suma di fls. 665,—. For di Cruz Roja un total di fls. 1000,— obteni door di e colecta cu bleki.


E baile teni na N.W.I.W.A. club a produci e suma di fls. 275,—. En total anto fls. 5440,— e comite a ricibi te awor.

A bini acerca tambe dos barril di dona e isla tel a worde traslada pa Addison W. Croes.

Debi na e hecho cu e presidente di e comitee, sr. H.I. Lopes, lo bandona e isla tel aw orde traslada pa Corsow, e coordinador sr. J.F. York, a keda apunta como presidente pa resto di e trabounan di e comitee.

E comitee kier tuma e oportunidad tambe pa gradici tur cu di un manera of otro a contribui pa haci e baile y e otro Comitee-drives nan un exito. E comitee un bez mas ta solicita na e comunidad arubano pa sigi duna nan contribucion pa ayudo di e victimanan di e orcan.

**PA MOTIBO DI FIDEL ... Na hotel Theresa, na New York, camina Fidel Castro cu su sequito ta lokeer, continuamente ta bini choquan entre partidario i adversario di Fidel i continuamente peliznan mester bin papia e ultimo palabra pa evita loque por bira peor. Riba e portret aqui nos ta mira com un poliz balente ta cohe un dje demostrantenan aqui tene formalmente cu tabata grita pa Fidel masha duro.**



**Nescafé... of course,**

**It gives you**

**delightful roaster-fresh coffee: just NESCAFÉ, hot water or milk... then sit back, and enjoy it!**

**Every time, a really good cup: for a pleasant "lift" and roaster-fresh taste in your cup. NESCAFÉ's the coffee!**

**It's honest-to-goodness coffee, exactly right in your cup: NESCAFÉ is simply the result of a skillful blending of choice coffee beans, roasted to perfection, carefully "home-brewed": so convenient, so economical.**

**Deeply satisfying, delightful roaster-fresh coffee**

**NESCAFÉ**

*blended and roasted ... to your taste*

**get it at your grocer's**





# CISCO KID

1. „E ganjador, ey ta dunando mi mala fama“! 2. „Idiota! Ta un di nan ta asalta cada vez. E falta fantasia“! 3. „Ta facil calcula na undi y qui ora e ta bay asalta... lo mi ley tambe... y lo mi liquide“!



# JUAN EL INTREPIDO

1. „Conque bo ta capaz di laga un dama den tal peliger...“ 2. „...pa bo bay busca solucion di bo problemanan den mente di otro homber cu tin nan mes problema? Si bo quiere cu bo ta conoce bo mes di e modo ey, bo ta perdi“! 3. „Siguí bo fuga loco for di bo mes... sin mi. Mi sa na unda mi bay“!



# DICK TRACY

1. „Oh, Halakahihi, si esaki no resulta bea nos tur dos lo muri“! „No tene miedo. Ami no tin miedo“! 2. „Laga mi mira, mi mester di jabi di mi apartamento y un sker pa corta e hocran di bo tanta, y e senjal“! 3. „Mi no ta comprende con tur e cosnan aki por ta sucede. Pero mi ta masha agradecido cu bo ta hibando mi por fin cerea mi verdadero tanta“! 4. „Rato despues... Drenta aki. Buk y queda ey nan“!



# RIP KIRBY

1. „Den e caso ey, Ferret, lo mi entrega bo na e polician si bo no juda mi... ey mes ta bini uno“! 2. „Alto“! 3. „Mi ta cu bo“! „Bay dilanti, Ferret“!



# EL PRECIO DEL TRIUNFO

1. „Ora Lalo ta corre pa bay na Picketon buscando un pista di paradero di Eddy Chapek...“ 2. „Bo ta cla, Johnson? Nos lo bay den auto na Picketon y di ey nos lo tuma un bus pa e aeropuerto“! 3. „Mi ta cla, sr. Callan! Mexico, mi ta bini“! 4. „Até e corant di Picketon, Johnson, si bo quier sa noticianan“! „Danki, sr. Callan“! 5. „Mi mester sali for di esaki“!



# EL DIARIO DE UNA VIDA

1. „Lo que mi ta bisa bo ta bo mes bon, Miguel...“ „Mi sa lo que bo ta pa mi“! 2. „Lo que bo ta sirbi mi ta eu ho desaparece... ho evapora... y ho no introduci mas den mi vida“! 3. „Lago bo mutila vida di inocentenan... manera bo a mutila bo propio vida“? „Y esey... pa quico no“?



# PEPITA

1. „Mi quier felicita bo e bon modo cu bo a traha e contrato di Smedley“! 2. „Lo bo hanja un sorpresa den e envelope cu bo sueldo“! „Oh, hefe, danki“! 3. „Eddie! Duna mi e envelope cu mi sueldo“! 4. „Un portret cu firma di e hefe“!



**N.T.S. JOURNAL CINCO ANJA.** Dia Sabra pasa N.T.S. Journal a cumpli precisamente cinco anja. Na ocasion dje prome lustro aqui nos a bai tira un bista tras dje luga aki. Riba e prome portret nos ta mira Hoofdredacteur Carel Enkelaar i riba e otro portret nos ta hanja un idea dje sala di comentario camina dos redactor-comentadornan cerca e monitor, riba cual e noticia di pelicula ta aparece cu nan ta percursa di comentario expresa. Na izquiera Jan Gerritsen i na derecho Jouke Poelstra.

## Embrollanan na Havana

HAVANA, 6 october. — Un grupo revolucionario consistiendo di 27 homber a desembarca ajera na costa norest di provincia Oriente, asina a word informacion oficialmente na Havana.

Unidadnan di exercito y milicia a mata e lider dje grupo, Armentino Ferri; nan a herida un homber y a arresta 3.

E otronan, 3 mericano inclui, ta word persigui. E exercito a confisca tambe un bandera mericano, 3 burico cu municion, 7 fusil y un buki cu instruccion di exercito mericano.

E rebelde nan a arresta como 50 campesino y nan tabata bai den e cerra di Nuevo Mundo, ora cu nan a contra cu unidadnan di exercito y milicia. E campesinonan a logra di scapa.

## Satelite „Koerier“ la circula rond mundo

CABO CANAVERAL, 5 october. — E satelite Koerier 1B cu Merca a lanza ajera, ta predecesor di un sistema di comunicacion militar over di enter mundo. E satelite ta circula rond mundo. E por ricibi mensahenan di radiotelex y e por transmiti nan bek pa stacionan riba mundo.

E satelite tin 5 taperecorder magnetico y e por ricibi y transmiti 68.000 palabra pa minuut. E ta un bola cu un middellijn di 1 1/2 meter y un peso di 230 kilo. E ta traha electricidad for di energia solar di 19.200 celula solar.

E satelite ta circula mundo den un ora y 45 minuut, na un distancia entre 800 y 1.200 kilometer for di terra. E instrumentonan a reacciona riba senjalnan cu a word transmiti for di terra.

Eisenhower a manda un mensahe pa e presidente di Asamblea General di Nacionnan Uni, Boland, via e satelite.

## Declaracion di gobierno di Katanga

ELISABETHSTAD, 6 october. — Gobierno di Katanga a declara awe mañta gen un comunicado, cu vicepresidente Kibwe di Katanga a ricibi Yan Berendsen, consehero politico di Nacionnan Uni na Elisabethstad, pa informele cu situacion rond Albertstad ta bisa peor y pa protesta energicamente contra e hecho cu e soldanan di Nacionnan Uni na Albertstad no ta suficiente, pa mantene order den caso di aumento dje intrankilidad, y cu 1/4 parti dje ciudad ey ta corre e riesgo di sufrí mes destino cu manono.

E comunicado a informa cu e comando local ta admiti cu no tin suficiente solda aja pa mantene paz den caso di aumento dje tension, pero toch

Nacionnan Uni a prohibi pa fortifica gendarmeria di Katanga.

Un comunicado ta bisa cu presidente Chombe di Katanga a ricibi un peticion di ajudo dje habitantenan di varios pueblo na e centro di diamant na Kasai, cu unda trupanan di Lumumba aparentemente a causa victima y a cende algun pueblo na candela. E habitantenan dje luga ey ta trata di hui pa Angola.

## Comision di paz pa Argelia

PARIS, 5 october. — Canonigo Kir, alcalde di Diin, y algun otro alcalde frances a pidi pa forma un comision pa paz na Argelia y proteccion dje comunidad.

Nan ta pleita na favor di un acuerdo entre e lidernan di estado dje comunidad frances tocante un programa pa suspender ehecuccionnan na ambos banda y pa trata dje soldanan dje FLN como personanan di guerra. Nan ta exigi tambe pa un organo, di cual tur lider di estado dje comunidad y paisnan cu ta papia frances mester ta miembro, studia garantianan pa un aplicacion honrado dje politiek di autodeterminacion.

Algun maestro di school, lidernan sindical, profesornan y autornan a pidi tambe pa tene discusion tocante paz pa Argelia.

## Informacion di Elwood Quesada

BOSTON, 6 october. — E hefe dje oficina federal mericano pa aviacion, Elwood Quesada, a informa, cu ta un cantidad di paloma cu a causa e desgracia dje avion „Electra“ di „Eastern Airlines“ cerca Boston.

Ta conoci cu tabatin un grupo grandi di „spreeuw“ na punto final dje startibaan ora cu e avion a subi, asina Quesada a bisa. El a bisa cu ta posible cu algun dje palomanan a drenta den e parti dje motornan cu ta zigzag aire.

E investigacion no a indica ningun error den structura dje avion.

E documentonan secreto cu tabata don e avion a word hanja y a word entrega na e autoridadnan apropiado.

## Declaracion di Mobutu

LEOPOLDSTAD, 6 october. — Coronel Mobutu a declara na Leopoldstad, cu e 24 miembronan dje mision militar cu e a manda establece contacto cu e lidernan dje varios provincianan congoles, pa tene un conferencia di mesa rondo, lo bai Leopoldstad bek majan.

## Posicion di candidatonan na Rio de Janeiro

RIO DI JANEIRO, 6 october. — Resultadonan inoficial parcial ta muestra cu e candidato di oposicion den e eleccionnan presidencial na Brasil ta hopi mas delanta cu e cantidad dje coalicion di gobierno.

Awe Janio Quadros tabatin 3.040.856 voto y mariscal Lott tabatin 1.768.382. E candidato sin partido Aedmar de Barros a hanja 1.397.610 voto caba.

## CEMPRO n.v.

Waysack - tel: 2444  
PA TUR BLOKKI Y CABAJETA  
HERCULES CEMENT.

## PETRONA & CROES

Dakota - tel. 1712-1619  
Pa tur sorko di REPARACION  
na bo cas.

## HOROSCOOP

**ARIESNAN**  
11 Maart — 21 April



Bo ta spiritual mente na bo punto, loque lo ser un bon ayudo den bo profesion.

**TAURISNAN**  
21 April — 21 Mei




Evita kestion cu hendenan di cas. Busca expansion e seman aqui.

**GERMINENAN**  
22 Mei — 21 juni



Bo por spera awwor un recompensa di trabao bon acaba. Bo influencianan ta favorable.

**CANCERNAN**  
22 Juni — 23 Juli




Traha plannan pa un weekend agradable. Pone tino pa ningun hende no seduci bo.

**LEONAN**  
24 Juli — 23 Augustus




Awe ta un bon dia pa solicita; ademais por presenta chensnan inespera.

**VIRGONAN**  
24 Augustus — 23 September




Awe ta un dia pa cosecha exito riba tereno. Trabao y ambienton personal ta hanja preferencia.

**LIBRANAN**  
24 September — 23 October



Atende interesnan financiero. Bo por confia riba felicidad y sonrisas di fortuna.

**SCORPIONAN**  
24 October — 22 November



Prepara bo pa un dia druk cu bon chensnan riba exito. Bo consideracion ta altu.

**SAGITARIUSNAN**  
23 November — 21 December




Un dia druk cu ta ser caracteriza pa bon noticia den asunto di belasting y biennan movable.

**CAPRICORNIUSNAN**  
22 December — 20 Januari



Pa algun hedne fecha di awe ta un dia di matrimonio ideal y solitudnan no sa ser rechaza riba e dia aqui.

**ACUARIUSNAN**  
21 Januari — 19 Februari



Bo tin stens riba un otro promocion. Percura pa bo exterior. Bo ta atractiva den e otro sexo.

**PICSES**  
20 Februari — 20 Maart



Ocupa bo cu contactacionan riba termino largo. Exito ta rondona bo na tur caminda cu bo bai.

